

3 He aha taku mahi?

Raparapaina taku aramahi

Mahere wātū

Ngā karere matua

- E hono ana ōku pūkenga me ōku āhuatanga ki te maha o ngā huarahi aramahi hei whāinga māku.
- E taea ana e au te tautuhi ētahi o ōku pūkenga, painga, uara hoki.

Te raupapa wātū

1. Kīia ngā rangatahi mā rātou e mahi tētahi mahi e tautuhi ai rātou i ētahi aramahi anō mai i ngā kōtaha aramahi tūpuna e ono i matapakia i te wātū 2. Kātahi ka matapaki rātou i ngā māramatanga aramahi mō aua tūnga me te ako i ētahi mōhiohio aramahi matua hei āwhinatanga mō tō rātou anō haerenga aramahi.
2. Ka whakarōpūhia ngā rangatahi, ka kōwhiri i tētahi ingoa. Ka hiahia ana tētahi rōpū ki te whakautu, ka tū mai te ringa o tētahi i roto i te rōpū. Ki te hē te whakautu a tētahi rōpū, ka whakautua kētia e tētahi atu rōpū. Ka whiwhi ngā rōpū ki te piro kotahi mō te whakautu tika i ia pātai.
3. Pānui ā-wahatia ngā whakaahuatanga mahi aramahi me ngā pātai e pā ana ki te wā i ō rātou tūpuna.
4. Whakatītinatia ngā matapakinga haere tonu mā te whakamahi i ngā māramatanga aramahi matua me ngā tuhipoka matapakia a te kaiako.
5. Kōrerorerotia ngā āhua e panoni haere ai ngā aramahi i te takanga o te wā, ngā ōritenga me ngā rerekētanga i waenga i ngā tūnga kua tutuki i a rātou i neherā me ngā momo kōwhiringa aramahi e wātea ana ki a rātou i ēnei rā. Whakaaturia ki a rātou ngā whakaaro aramahi kaupapa Māori i Tahatū. Pātaitia ngā rangatahi ka hiahia e ēhea aramahi i tēnei wātū ngā pūkenga e rite ana ki ō ngā whakaaro aramahi kaupapa Māori. Hei tauira:
 - Aramahi 1 kaiaru = kaitiaki taiao māori
 - Aramahi 2 kaihautū = tumu whakarae iwi
 - Aramahi 4 kaitito = mātanga ao haka
 - Aramahi 5 kaiako = pouako
 - Aramahi 6 ringa raranga = kairaranga
6. Me whakarāpopoto anō ngā pūkenga, painga, me ngā uara i ō rātou tūpuna. Kī atu ki ngā rangatahi kei a rātou kē ētahi utauta whitake ka āwhina i a rātou i tō rātou huarahi aramahi.

Ngā āheinga aramahi matua

Whakaatu mōhiotanga me te māramatanga ki ō rātou painga, pūkenga, uara me ngā aronga aramahi.

Whakaatu māramatanga ki ngā āhua e uaratia ana te noho haepapa me ngā ritenga mahi papai i te ora me te wāhi mahi.

Ngā pātai matua

Ka pēhea ngā aramahi e huri ai i roto i te wā?

He aha ngā kōunga e kimi nā koe i tētahi hoa? i tētahi kaiako? i hoamahi?

He aha te tikanga o te kīanga “kia waiho mai he whakarereanga”?

Ngā rauemi tautoko

Kaiārahi PowerPoint 3

Rauemi kaiārahi: He ngohe mō te raparapa i taku aramahi

Ngohe rangatahi: Ngā pānui whakaahua kōtaha aramahi tūpuna (Wātū 2)

[Ngā whakaaro aramahi kaupapa Māori](#)

Roanga

30-60 meneti